



Na osnovu člana 47. stav 2. i člana 48. stav 5. Poslovnika o radu Općinskog vijeća Lukavac ("Službeni glasnik Općine Lukavac", broj: 5/06, 2/09 i 5/09), Predsjedavajući Općinskog vijeća Lukavac upućuje

P O Z I V

Za **4. vanrednu sjednicu** Općinskog vijeća Lukavac, koja će se održati dana **08.07.2021. godine** sa početkom u **10,00 sati** u **Sali Policijske uprave Lukavac** i za istu predlaže slijedeći

DNEVNI RED

1. Razmatranje prijedloga i donošenje Odluke o pripajanju Javne ustanove „Javna biblioteka“ Lukavac Javnoj ustanovi „Centar za kulturu“ Lukavac
2. Razmatranje prijedloga i donošenje Odluke o imenovanju punomoćnika za učešće u radu i odlučivanju skupština privrednih društava sa učešćem državnog kapitala iz nadležnosti općine Lukavac.

PREDSJEDAVAJUĆI
OPĆINSKOG VIJEĆA

Suad Salibašić dipl.ecc s.r.





Broj: 02-36-2675/21
Lukavac, 05.07.2021. godine

PRIJEDLOG

ODLUKE
O PRIPAJANJU JAVNE USTANOVE JAVNE BIBLIOTEKE LUKAVAC
JAVNOJ USTANOVI CENTAR ZA KULTURU LUKAVAC

Predlagač: Općinski načelnik

Obrađivač: Služba za upravu, društvene djelatnosti, mlade i boračko-invalidsku zaštitu

Razmatra: Općinsko vijeće

Strana 1 od 1



ISO 9001:2015
No. 308550 QM15

Općina Lukavac - Općinski Načelnik, Trg slobode 1, 75300
Lukavac

www.lukavac.ba, e-mail: kabinet-nacelnika@lukavac.ba
Tel. +387 35 366 700, fax: +387 35 366 703



ISO 9001:2015
No. 308550 QM15



Broj:
Lukavac,

PRIJEDLOG

Na osnovu čl. 8. i 13. Zakona o principima lokalne samouprave ("Službene novine FBiH", broj: 49/06 i 51/09), a u vezi sa čl. 14. Uredbe sa zakonskom snagom o ustanovama ("Službeni list R BiH", broj: 6/92, 8/93 i 13/94), čl. 7. Odluke o osnivanju Javne ustanove Javne biblioteke Lukavac („Službeni glasnik Općine Lukavac“, broj: 2/98), a u vezi sa čl. 27. Pravila Javne ustanove Javne biblioteke Lukavac broj: 232/20 od 04.12.2020. godine, čl. 7. Odluke o osnivanju Javne ustanove Centra za kulturu Lukavac („Službeni glasnik općine Lukavac“, broj: 2/98), a u vezi sa čl. 13. Pravila Javne ustanove Centra za kulturu Lukavac broj: 187/18 od 21.04.2018. godine, čl. 32. Statuta Općine Lukavac ("Službeni glasnik Općine Lukavac", broj: 5/08 i 1/14), Općinsko vijeće na sjednici održanoj dana __. __. 2021. godine donosi,

ODLUKU
O PRIPAJANJU JAVNE USTANOVE JAVNE BIBLIOTEKE LUKAVAC
JAVNOJ USTANOVU CENTAR ZA KULTURU LUKAVAC

Član 1.
(Predmet Odluke)

Ovom Odlukom uređuje se pripajanje Javne ustanove Javne biblioteke Lukavac ID: 4209341150001 Javnoj ustanovi Centar za kulturu Lukavac ID: 4209398770006, PDV: 209398770006.

Član 2.
(Osnivačka prava i organizacija javne ustanove)

Općina Lukavac zadržava osnivačka prava nad Javnom ustanovom Centrom za kulturu Lukavac kojoj se vrši pripajanje Javne ustanove Javna biblioteka Lukavac.

Pravilima Javne ustanove Centra za kulturu, Pravilnikom o radu i Pravilnikom o organizaciji i sistematizaciji radnih mjesta bliže će se odrediti organizacione jedinice Javne ustanove, te poslovi i zadaci u okviru svake od organizacionih jedinica i službe ustanove.

Član 3.
(Postupak pripajanja)

Postupak pripajanja će vršiti Javna ustanova Centar za kulturu Lukavac.

Poslovni prostor za smještaj bibliotečke građe i rad biblioteke u zgradi Centra za kulturu Lukavac, površine 650 m²/ prizemlje i sprat zgrade istočno od portirnice, bez prostorija nekadašnjeg disko kluba – namjenski građen za ove potrebe nastaviti će koristiti Javna ustanova Centar za kulturu Lukavac.

Javnoj ustanovi Centar za kulturu Lukavac osnivač prenosi bez naknade na upravljanje i korištenje knjige i drugu bibliotečku građu, odgovarajuću opremu i inventar koji su pripadali biblioteci prema zvaničnim popisnim listama.

Strana 1 od 3



ISO 9001:2015
No. 308550 QM15

Općina Lukavac – Općinsko vijeće, Trg slobode 1, 75300
Lukavac

www.lukavac.ba, e-mail: sluzba.ov.lukavac@hotmail.com
tel. 387 35 553 253, fax: +387 35 366 731



ISO 9001:2015
No. 308550 QM15

Javna ustanova Centar za kulturu Lukavac preuzima sve poslove, opremu, arhivu, sredstva za rad i finansijska sredstva, kao i sva prava i obaveze Javne ustanove Javna biblioteka Lukavac.

Zatečena novčana sredstva na žiro računu Javne ustanove Javne biblioteka Lukavac, otvorenog kod NLB Banke broj: 1321200309351719 Odlukom Upravnog odbora prenijet će se na žiro račune Javne ustanove Centra za kulturu Lukavac, a Javna ustanova Centar za kulturu Lukavac se obavezuje ista utrošiti prema namjeni koju je ranije preuzela Javna ustanova Javna biblioteka Lukavac.

Stupanjem na snagu ove odluke, novčana sredstva u Budžetu Općine Lukavac, na ekonomskom kodu 614316 JU Javna biblioteka Lukavac: Tranša, na odgovarajući način će se rasporediti na ekonomski kod 614316 JU Centar za kulturu: Tranša.

Danom stupanja na snagu ove Odluke Javna ustanova Centar za kulturu Lukavac preuzet će pečat Javne ustanove Javne biblioteka Lukavac, kompletnu arhivsku građu, protokole i sve druge potrebne akte sa ciljem uspješnog izvršenja postupka pripajanja.

Javna ustanova Centar za kulturu Lukavac će donijeti Pravilnik o organizaciji i sistematizaciji radnih mjesta na način da će isti prilagoditi u skladu sa potrebama zbrinjavanja radnika Javne ustanove Javne biblioteka Lukavac.

Javna ustanova Centar za kulturu Lukavac će u ime Javne ustanove Javne biblioteka Lukavac, nakon stupanja na snagu ove odluke, donijeti Rješenje o prestanku radnog odnosa za radnike Javne ustanove Javne biblioteka Lukavac zbog pripajanja iste.

Javna ustanova Centar za kulturu Lukavac će u ime Javne ustanove Javne biblioteka Lukavac izvršiti objavu svih radnika sa evidencije poreske uprave, brisanje iz drugih evidencija poreske uprave, te podnijeti zahtjev za upis statusnih promjena u sudski registar.

Javna ustanova Centar za kulturu Lukavac obavezuje se da ponudi Ugovore o radu na neodređeno za lica koja su bila ranije zaposlena na neodređeno vrijeme u Javnoj ustanovi Javnoj biblioteci Lukavac koji odgovaraju njihovoj stečenoj stručnoj spremi i radnom iskustvu, bez odlaganja, nakon provedene procedure iz tačke g).

Javna ustanova Centar za kulturu Lukavac u potpunosti preuzima prava, obaveze i odgovornosti Javne ustanove Javne biblioteka Lukavac.

Javna ustanova Centar za kulturu Lukavac će o svemu uredno izvještavati nadležnu Službu za upravu, društvene djelatnosti, mlade i BIZ koja će u cijelom postupku vršiti nadzor.

Javna ustanova Centar za kulturu Lukavac će provesti sve neophodne pravne procedure sa ciljem pripajanja i brisanja Javne ustanove Javne biblioteka Lukavac iz sudskog registra u kojem je zavedena Rješenjem broj: 032-0-Reg-20-001082.

Član 4. (Svojstvo pravnog lica)

Javna ustanova Javna biblioteka Lukavac gubi svojstvo pravnog lica brisanjem iz sudskog registra Općinskog suda u Tuzli.

Član 5.
(Djelatnost)

Javna Ustanova Centar za kulturu Lukavac podnijet će zahtjev za dopunu djelatnosti nadležnom sudu za upis u sudski registar na osnovu ove Odluke za djelatnosti koje je obavljala Javna ustanova Javna biblioteka Lukavac, i to:

18.13 Usluge pripreme za štampu i objavljivanje
18.14 Knjigoveške i srodne usluge
18.20 Umnožavanje snimljenih zapisa
58.11 Izdavanje knjiga
91.01 Djelatnosti biblioteka i arhiva
91.02 Djelatnost muzeja.

Član 6.
(Sredstva za rad)

Izvori sredstava za rad Javne ustanove Centar za kulturu Lukavac, predviđenih članom 47. Pravila JU Centar za kulturu Lukavac broj: 187/18 od 21.04.2018. godine, nakon stupanja na snagu ove odluke činit će i sredstva prikupljena od članarine prilikom obavljanja bibliotečke djelatnosti.

Član 7.
(Međusobna prava i obaveze)

Pitanja prava i obaveza između osnivača i Javne ustanove Centra za kulturu koja nisu regulisana ovom Odlukom utvrdit će se ugovorom između Centra za kulturu i osnivača.

Član 8.
(Stupanje na snagu ove Odluke)

Odluka o pripajanju Javne ustanove Javne biblioteke Lukavac Javnoj ustanovi Centar za kulturu Lukavac stupa na snagu danom objavljivanja u "Službenom glasniku Općine Lukavac".

Stupanjem na snagu ove Odluke prestaje da važi Odluka o osnivanju Javne ustanove javne biblioteke Lukavac broj: 01-012-67/98 od 09.03.1998. godine („Službeni glasnik Općine Lukavac“, 2/98).

Danom stupanja na snagu ove Odluke Javna ustanova Centar za kulturu Lukavac dužna je preduzimati radnje u skladu sa članom 3. ove Odluke, kao i druge radnje s ciljem uspješnog završavanja postupka pripajanja Javne ustanove Javne biblioteke Lukavac.

Danom stupanja na snagu ove Odluke prestaje mandat Upravnog odbora i direktora Javne ustanove Javne biblioteke Lukavac.

PREDSJEDAVAJUĆI
OPĆINSKOG VIJEĆA LUKAVAC

Suad Salibašić, dipl. ecc.



Образложење

I Pravni osnov:

Čl. 8. i 13. Zakona o principima lokalne samouprave ("Službene novine FBiH", broj: 49/06 i 51/09), a u vezi sa čl. 14. Uredbe sa zakonskom snagom o ustanovama ("Službeni list R BiH", broj 6/92, 8/93 i 13/94), čl. 7. Odluke o osnivanju Javne ustanove Javne biblioteke Lukavac („Službeni glasnik Općine Lukavac“, broj: 2/98), a u vezi sa čl. 27. Pravila Javne ustanove Javne biblioteke Lukavac broj: 232/20 od 04.12.2020. godine, čl. 7. Odluke o osnivanju Javne ustanove Centra za kulturu Lukavac („Službeni glasnik općine Lukavac“, broj: 2/98), au vezi sa čl. 13. Pravila Javne ustanove Centra za kulturu Lukavac broj: 187/18 od 21.04.2018. godine, čl. 32. Statuta Općine Lukavac ("Službeni glasnik Općine Lukavac", broj: 5/08 I 1/14).

II Razlozi za donošenje:

S ciljem sistemskog uređenja obavljanja djelatnosti kulture predlaže se Odluka o pripajanju Javne ustanove Javne biblioteke Lukavac Javnoj ustanovi Centru za kulturu Lukavac. Razlozi za donošenje ovakve Odluke su i jednostavnije funkcionisanje, uzimajući u obzir da Javna ustanova Javna biblioteka Lukavac ima 3 lica u radnom odnosu, a finansiraju se u iznosu utvrđenom Budžetom Općine Lukavac. Uzimajući prednje navedeno u obzir, smatramo da ovakvoj ustanovi nije potrebno dodatno finansiranje još i upravnog odbora koji broji 3 člana i direktora.

Nadalje, radi se o jedinjoj javnoj biblioteci u kojoj menadžment broji više osoblja od radnika koji su zaposleni. Uzimajući u obzir i prirodu posla i potrebe da čitaonica, kao i kompletna biblioteka ne može raditi subotom i nedjeljom, a tada bi građanima bio i najpotrebniji pristup uslugama koje nudi biblioteka, te sa druge strane uzimajući u obzir da Javna ustanova Centar za kulturu Lukavac radi svaki dan (uključujući i vikende), te da ima dovoljno radne snage da održava i biblioteku otvorenom svaki dan, uključujući i vikende, odlučeno je kao u prednje navedenoj Odluci.

Nadalje, uzimajući u obzir i finansijsku prirodu da se Javna ustanova Javna biblioteka Lukavac finansira iz Budžeta Općine u omjeru 1/1, tj 100% finansiranje, a Javna ustanova Centar za kulturu Lukavac u omjeru 63,36% Budžet Općine Lukavac, 36,64% vlastito finansiranje, potrebno je stvoriti jednu Ustanovu za obavljanje svih djelatnosti od kulturnog značaja za građane Općine Lukavac. Ovim putem Javna ustanova Centar za kulturu Lukavac će se ojačati i kadrovski i prostorno, povećati svoj osnovni kapital. Strukturirani proces pripajanja počinje teći identifikacijom cilja preuzimanja, tj. Javne ustanove Javne biblioteke Lukavac. Kombiniranje poslova na ovaj način će koristiti i Javnoj ustanovi Centru za kulturu Lukavac i Javnoj ustanovi Javnoj biblioteci Lukavac. Pripajanjem Javne ustanove Javne biblioteke Lukavac nastaje zajednička veća ustanova koja nastavlja sa poslovanjem u pravnom prometu. Odlukom je predviđenja zaštita imovine i imovinskih interesa Općine Lukavac, Javne ustanove javne biblioteke Lukavac i Javne ustanove Centra za kulturu Lukavac, te prava radnika u skladu sa Zakonom o radu FBiH. Na ovaj način stvara se jedna jedinstvena ustanova za obavljanje djelatnosti od kulturnog značaja na Općini Lukavac.

Iz navedenih razloga, predlaže se Općinskom vijeću Lukavac, kao osnivaču Javne ustanove Centra za kulturu Lukavac i Javne ustanove javne biblioteke Lukavac, da prihvati prijedlog



odluke o statusnoj promjeni kako bi se obezbijedili uslovi za dalji nastavak pružanja usluga na jedinstven i cjelovit način na području Općine Lukavac.


III Finansijska sredstva za sprovođenje odluke

Za provođenje ove Odluke nisu potrebna dodatna sredstva. Naime, kapital Javne ustanove Centra za kulturu Lukavac se povećava za visinu osnovnog kapitala Javne ustanove Javne biblioteke Lukavac. Sredstva za rad Javne ustanove Centra za kulturu Lukavac obezbjeđuju se Budžetom Općine Lukavac po osnovu Ugovora sa Općinom Lukavac o isplati sredstava predviđenih budžetom Općine Lukavac za 2021. godinu, te drugih izvora.

Obradivač
A.H.

Broj: 02-36-2675/21
Lukavac, 05.07.2021. godine

Pomoćnik Općinskog načelnika
Emir Kasumović, dipl. pravnik



BOSNA I HERCEGOVINA
FEDERACIJA BOSNE I HERCEGOVINE
OPĆINA LUKAVAC
JAVNA USTANOVA CENTAR ZA KULTURU LUKAVAC
JAVNA USTANOVA JAVNA BIBLIOTEKA LUKAVAC


SLUŽBA ZA UPRAVU, DRUŠTVENE DJELATNOSTI, MLADE I BIZ

PREDMET: Inicijativa, dostavlja

Poštovani,

Ovim putem upućujemo Vam inicijativu za pripajanje Javne ustanove Javne biblioteke Lukavac Javnoj ustanovi Centru za kulturu Lukavac. Smatramo da će eventualno ujedinjenje omogućiti bolje funkcionisanje Javnih ustanova na području Općine Lukavac, takođe uzimajući u obzir brojne zahtjeve građana da Javna ustanova Javna biblioteka Lukavac omogući pristup svojim prostorijama i biblioteci i u danima vikenda, što uzimajući u obzir kadrovski deficit do sada nije bilo moguće. Takođe smatramo da će u ovom posebno teškom periodu ovaj način funkcionisanja dovesti i do značajne uštede novčanih sredstava ustanova koje se finansiraju kao vanbudžetski korisnici 1. reda. Obzirom da upućujemo ovaj dopis, tj. Inicijativu, nadamo se da ćete pripremiti potrebne odluke za narednu sjednicu Općinskog vijeća Lukavac.

Srdačan pozdrav



DIREKTOR

/JU Javna biblioteka Lukavac/

Dostaviti

1x naslovu



5446

Služba za budžet i finansije

Broj: 04- 11- 2677 /21
Lukavac: 06.07.2021.godine

Služba za upravu, društvene djelatnosti, mlade i boračko-invalidsku zaštitu.

PREDMET: Mišljenje na prijedlog Odluke o pripajanju Javne ustanove Javne biblioteke Lukavac Javnoj ustanovi Centar za kulturu Lukavac, veza vaš dopis broj 05-36-2677/21 od 05.07'21.g.

Vezano za Vaš zahtjev za mišljenje na prijedlog Odluke o pripajanju Javne ustanove Javne biblioteke Lukavac Javnoj ustanovi Centar za kulturu Lukavac u okviru koje nastavlja sa radom bez svojstva pravnog lica, vaš dopis broj 05-36-2677/21 od 05.07.2021.godine, dajemo sljedeće mišljenje:

Služba za upravu, društvene djelatnosti, mlade i boračko-invalidsku zaštitu, kao obrađivač prijedloga Odluke broj 02-36-2675/21 od 05.07.2021.g., o pripajanju gore navedenih javnih ustanova, gdje Javna ustanova Javna biblioteka Lukavac gubi svojstvo pravnog lica brisanjem iz sudskog registra Općinskog suda u Tuzli, gdje u obrazloženju navedene Odluke poglavlju III Finansijska sredstva za sprovođenje odluke navodi da nisu potrebna dodatna novčana sredstva za provođenje odluke, Služba za budžet i finansije sa aspekta fiskalnog učinka na budžet Općine Lukavac, nema primjedbi.

S poštovanjem,

Obrađivač
A.I.



POMOĆNIK OPĆINSKOG NAČELNIKA
ZA BUDŽET I FINANSIJE

Zuhdija Hrvatović
Zuhdija Hrvatović, dipl.ecc

DOSTAVITI:

1. Naslovu,
2. Službi za budžet i finansije i
3. Arhivi.

Strana 1 od 1



ISO 9001:2015
No. 308550 QM15

Općina Lukavac - Općinski Načelnik, Trg slobode 1, 75300 Lukavac
www.lukavac.ba, e-mail: kabinet-nacelnika@lukavac.ba
Tel. +387 35 366 700, fax: +387 35 366 703



ISO 9001:2015
No. 308550 QM15

Bosna i Hercegovina
Federacija Bosne i Hercegovine
Tuzlanski kanton
OPĆINA LUKAVAC



Босна и Херцеговина
Федерација Босне и Херцеговине
Тузлански кантон
ОПЋИНА ЛУКАВАЦ

Općinsko pravobranilaštvo

Broj; M- 4/21
Lukavac, 06.07.2021. god.

OPĆINA LUKAVAC

-Služba za upravu društvene djelatnosti, mlade i boračko-invalidsku zaštitu

Veza Vaš broj; 05-36-2676/21 od 05.07.2021. god.

PREDMET; Izjašnjenje, dostavlja se

U skladu sa članom 15 stav 2 Zakona o pravobranilaštvu („Službene novine TK“ broj; 4/04, 5/08, 2/14, 4/18) dostavljamo izjašnjenje, vezano za Prijedlog Odluke o pripajanju Javne ustanove Javne biblioteke Lukavac Javnoj ustanovi Centar za kulturu Lukavac broj; 02-36-2675/21 od 05.07.2021. godine, navedenom statusnom promjenom nema štete po imovinu i imovinske interesa općine Lukavac.

OPĆINSKO PRAVOBRANILAŠTVO
OPĆINSKI PRAVOBRANILAC
Jasminka Smajlović, dipl. pravnik



Broj: 02-02-2640/21
Lukavac, 02.07.2021.godine

PRIJEDLOG

ODLUKA

o imenovanju punomoćnika za učešće u radu i odlučivanju skupština privrednih društava sa učešćem državnog kapitala iz nadležnosti općine Lukavac

PREDLAGAČ: Općinski načelnik

OBRAĐIVAČ: Služba za komunalno-stambene poslove

RAZMATRA: Općinsko vijeće

Strana 1 od 3



ISO 9001:2015
No. 308550 QM15

Općina Lukavac - Općinski Načelnik, Trg slobode 1, 75300 Lukavac
www.lukavac.ba, e-mail: kabinet-nacelnika@lukavac.ba
Tel. +387 35 366 700, fax: +387 35 366 703



ISO 9001:2015
No. 308550 QM15

Na osnovu članova 32. i 104. Statuta općine Lukavac („Službeni glasnik općine Lukavac“ broj: 5/08 i 1/14), člana 3. Uredbe o vršenju ovlaštenja u privrednim društvima s učešćem državnog kapitala iz nadležnosti Tuzlanskog kantona i općina/gradova na području Tuzlanskog kantona („Službene novine Tuzlanskog kantona“, broj 11/19), Općinsko vijeće Lukavac na ____ sjednici održanoj dana ____ 2021. godine, donijelo je

ODLUKU

o imenovanju punomoćnika za učešće u radu i odlučivanju skupština privrednih društava sa učešćem državnog kapitala iz nadležnosti općine Lukavac

Član 1.

Za učešće u radu i odlučivanju skupština privrednih društava iz nadležnosti općine Lukavac opunomoćuju se:

1. za JP „RAD“ doo Lukavac imenuje se Enes Numanović, a njegova zamjena je Mirela Bubić;
2. za JP „Veterinarska stanica“ doo Lukavac imenuje se Edin Hamzić, a njegova zamjena je Izeta Bajrić;
3. za JP „Vodovod i kanalizacije“ doo Lukavac imenuje se Emir Begić, a njegova zamjena je Zlatan Žigić;
4. za JP „Putevi i komunikacije“ doo Lukavac imenuje se Elsajed Fatušić, a njegova zamjena je Alen Nuhić.

Član 2.

Nadležna služba će za svaku sjednicu skupštine privrednog društva osobama iz člana 1. ove Odluke dati pismenu punomoć koja obavezno sadrži dnevni red skupštine sa obavezujućim uputstvom o načinu glasanja po svakoj pojedinoj tački dnevnog reda, kao i druga odgovarajuća obavezujuća uputstva koja se odnose na učestvovanje u raspravi.

Punomoćnici iz člana 1. ove Odluke ne mogu učestvovati u radu i odlučivanju skupštine izvan tačaka dnevnog reda i uputstava navedenih u punomoći.

Član 3.

Punomoć iz stava 1. ovog člana nadležna služba dužna je dostaviti privrednom društvu najkasnije tri dana prije održavanja skupštine.

Član 4.

Punomoćnici iz člana 1. ove Odluke učestvovat će u radu i odlučivanju skupštine privrednog društva do opoziva punomoći od strane Općinskog vijeća.

Član 5.

Odluka stupa na snagu danom objavljivanja u „Službenom glasniku općine Lukavac“.

**PREDSJEDAVAJUĆI
OPĆINSKOG VIJEĆA
Salibašić Suad, dipl.ecc.**

OBRAZLOŽENJE

PRAVNI OSNOV ZA DONOŠENJE

Pravni osnov za donošenje ove Odluke su 32. i 104. Statuta općine Lukavac („Službeni glasnik općine Lukavac“ broj: 5/08 i 1/14) i član 3. Uredbe o vršenju ovlaštenja u privrednim društvima s učešćem državnog kapitala iz nadležnosti Tuzlanskog kantona i općina/gradova na području Tuzlanskog kantona („Službene novine Tuzlanskog kantona“, broj 11/19).

OBRAZLOŽENJE POJEDINIH RJEŠENJA

Članom 2. Uredbe o vršenju ovlaštenja u privrednim društvima sa učešćem državnog kapitala iz nadležnosti Tuzlanskog kantona i općina/gradova na području Tuzlanskog kantona („Službene novine TK“, broj: 11/19) - (u daljem tekstu: Uredba) je propisano da u privrednim društvima sa učešćem državnog kapitala iz nadležnosti općina na području Kantona, ovlaštenja na osnovu učešća državnog kapitala vrše općine putem nadležnih organa.

Članom 3. Uredbe propisano je da pravo učešća u radu i odlučivanju skupštine privrednog društva iz nadležnosti općina na području Kantona, općinska vijeća ostvaruju putem punomoćnika, da nadležni organ općine za svaku sjednicu skupštine privrednog društva određuje punomoćnika kojem daje punomoć u pisanom obliku i koji je u svemu dužan postupati u skladu sa dobijenim obavezujućim uputama nadležnog organa općine, te da nadležni organ općine prije davanja uputa može tražiti stav općinskog vijeća.

Članom 4. Uredbe propisano je da punomoć u radu i odlučivanju skupštine privrednog društva dostavlja se privrednom društvu najkasnije tri dana prije održavanja skupštine; da općinsko vijeće može opozvati punomoć ili umjesto već date punomoći dati novu punomoć; te da punomoćnik, prilikom odlučivanja na skupštini privrednog društva, raspolaže ukupnim brojem glasova koji pripada državnom kapitalu a za svoj rad odgovoran je organu koji ga je imenovao.

S tim u vezi, sačinjen je prijedlog Odluke o imenovanju punomoćnika za učešće u radu i odlučivanju skupština privrednih društava sa učešćem državnog kapitala iz nadležnosti općine Lukavac, te Vam isti dostavljamo na razmatranje i usvajanje.

OBRAĐIVAČ:
M.B.

OPĆINSKI NAČELNIK
Dr.Sci. Edin Delić